

ADMINISTRAZIO-BALDINTZA ZEHATZEN AGIRIA; **OBRAK LEHIAKETA IREKI** BIDEZ
KONTRATATZEA

Gaia: **ARR-1A** eremuaren eta **ARR-1B** sektorearen urbanizazio proiektuan, **ARR-1A** eremuko lur-azpiko aparkaleku publikoa egikaritzeko proiektuan eta Ganboxa bidea 1 zenbakian kokaturik dagoen Zubiondo etxean igogailu bat egikaritzeko proiektuan sartutako obrak.

I.- KONTRATUAREN EDUKIA

1. KONTRATUAREN GAIA

Kontratuaren gaia da Udalak onartutako hiru proiektuetan jasotako obrak egikaritzea: ARR-1A eremuaren eta ARR-1B sektorearen urbanizazio proiektuan, ARR-1A eremuko lur-azpiko aparkaleku publikoa egikaritzeko proiektuan eta Ganboxa bidea 1 zenbakian kokaturik dagoen Zubiondo etxean igogailu bat egikaritzeko proiektuan sartutako obrak.

Kontratua baldintza-agiri honetan oinarritzen da eta espedientean azaltzen den dokumentazio teknikoarekin bat etorri egingo da. Baldintza-agiri honek kontratu-balioa du.

Kontratuaren gaiaren kodea, CPV nomenklaturaren arabera: 45210000.

2. OBRAK BURUTZEKO EPEA

Kontratu honen helburu diren obrak burutzeko epea 30 hilabetekoa da. Lizitatzailleek epe hori hobetu dezakete.

Zuinketa-akta izenpetu eta hurrengo egunetik hasiko da kontatzen epe hori.

Obrak epe horretan amaitzen ez badira, esleipendunak berandutzeagatiko erantzukizunei aurre egin beharko die, nahiz eta Administrazioak aurretik ez ohartarazi.

3. KONTRATUAREN PREZIOA

Kontratuaren prezioa **11.301.198,92 €** izango da, BEZ barne. Lehiatzaileek diru-kopuru hori hobetu dezakete beren proposamenetan. Beti ere, BEZari dagokion kopurua zehaztu beharko da.

Guztizko aurrekontua horrela zatitzen da:

- a) ARR-1A y ARR-1B eremuetako urbanizazioa.....7.871.325,49 € (IVA inkluido).
- b) ARR-1A eremuko lur-azpiko aparkalekua.....3.246.713,76 € (IVA inkluido).
- c) Zubiondo etxeko igogailua.....183.159,67 € (IVA inkluido).

Prezioak barne hartzen ditu kontratuari dagozkion Segurtasun eta Osasuneko, Kalitateko eta Hondakinen Kudeaketarako Planak.

Kontratuaren prezioaren barruan banakako prezioen zerrenda egongo da. Izan ere, prezio horiek izango dira indarrean egongo direnak kontratuak dirauen bitartean. Lehiatzaileak banakako preziorik aurkezten ez badu, Administrazioarenak oinarritzat hartzen dituela ulertuko da, baina lehiatzailearen prezio-proposamenean jasotako beherako portzentajea kenduta.

4. FINANTZATZEA

Kontratuaren prezioa ordaintzeko behar beste diru jarri da aurtengo ekitaldiko aurrekontuan. Bestaldetik, hurrengo ekitaldietako aurrekontuetan behar adina kreditu jarriko ditu aurrekontu gaietan eskumena duen organoak.

5. NOLA ORDAINDU

Obra burutuak aldizka ordainduko dira, egiaztagiriak egindakoa ordainduko da, SPKLaren 200. artikuluan ezarritakoarekin adostasunean. Obren zuzendariak egingo ditu egiaztagiri horiek eta ordainketa hurrengo hirurogei egunetan egingo da.

6. PREZIOAK BERRAZTERTZEA

Kontratu honen prezioak berraztertu ahal izango dira esleipena egin eta urtebete pasa ondoren, zenbatekoaren % 20 ordainduta badago. Berraztertze hori bat dator Sektore Publikoko Kontratuen Legearen 77 eta 82 bitarteko artikuluetan eta lege hori garatzen duen Araudi Orokorraren 104 eta 106 bitarteko artikuluetan xedatutakoarekin.

Berraztertzean Gipuzkoako Lurralde Historikoko KPIren urtez urteko igoeraren %85a aplikatuko da.

7. BERMEAK

a) Behin-behineko Bermea. - Lehiatzaileek behin-behineko bermea jarri behar dute lizitazio honetan parte hartzeko; berme hori kontratuaren prezioaren %3 izango da, beraz, 292.271,39 €, Sektore Publikoaren Kontratuei buruzko urriaren 30eko 30/2007 Legearen 91.3. artikuluan ezarritako bitartekoen bidez jarriko dute.

Esku-dirutan ordaindu nahi izanez gero, Kutxako 2101 0060 00 00000 89367 kontu-zenbakian sartu beharko da.

Behin-behineko bermea behin betiko esleipena egin eta gero itzuliko da.

Lehiatzaile guztien proposamenek kontratua esleitu arte iraungo dutela eta esleipendunaren proposamenak kontratua formalizatu arte iraungo duela ziurtatzeko eskatzen da behin-behineko bermea. Izan ere, berme hori inkautatu egingo da baldin eta kontratua esleitu aurretik enpresaren batek bere proposamena bertan behera uzten badu bidezko arrazoirik gabe, edo kontratua esleitu eta gero esleipendunak behin betiko bermerik jartzen ez badu, edo beraren erruagatik kontratua epean formalizatzerik ez badago. Horrelakoetan bermea betearaziko da.

b) Behin betiko Bermea. - Kontratuaren behin-behineko esleipendunak behin betiko bermea eman beharko du, hartutako konpromisoak beteko dituela bermatzeko. Kopuru hori esleipeneko zenbatekoaren % 5ekoa izango da, BEZ gabe. SPKLren 84.1. artikuluan ezarritako bitartekoen bidez jarriko da.

Berme hori jartzeko epea egutegiko hamabost egunekoa izango da, kontratuaren esleipena jakinarazi eta biharamunetik hasita. Bermea jartzeko bidea, berriz, Sektore Publikoko Kontratuen Legearen 84. artikuluan azaltzen direnetatik edozein izan daiteke (esku- dirutan egiten bada a) atalean zehaztutako kontu zenbakian egingo da).

Behin betiko bermearen bitartez honako alderdi hauek ziurtatuko dira: kontratuan jasotzen diren eginkizunak egoki egitea; Administrazioari sortutako kalteak, kontratistak bere betebeharrak berandu betetzeagatik; kontratua egikaritzean Administrazioari eragindako kalteak, edo kontratua ez betetzeagatik eragindako gastuak, kontratua etetea egoki ez denean; kontratistari ezarritako zigorrak; kontratua eteten denena agindu daitekeen konfiskatzea.

Baldin eta Administrazioa bermeaz baliatzen bada gorago zehaztutako kasuetarako, bermea berehala osatu edo jarri behar da berriro, eta borondatez hala egiten ez bada horretarako emandako epean, hurrengo ziurtapena egiten denean kendu egingo da dagokion kopurua.

Berme-epea amaitzen denean, esleipendunari bermea itzuliko zaio, osorik edo, bidezkoa bada, zati batean, baldin eta kontratuko betebeharrak guztiak beterik badaude. Itzulketa hori goian aipatutako Sektore Publikoko Kontratuen Legearen 90. artikuluan xedatutakoarekin bat etorritik egingo da.

8. KONTRATUA BURUTZEA

Zuinketa-akta izenpetzearekin batera hasiko da obra-kontratuaren burutzapena, eta hori hilabete bateko epean izan beharko da, kontratua sinatu den egunetik kontatzen hasita.

Kontratua esleipendunaren gain eta kontura burutuko da, eta esleipendunak ez du kalte-ordainik jasotzeko eskubiderik izango obretan galera, matxura edo kalteak izaten baditu, Sektore Publikoko Kontratuen Legearen 214. artikuluan adierazitako ezinbesteko kasuetan izan ezik.

Horiek gorabehera, obrak egiterakoan honako hauek bete beharko dira: a) agiri honetan ezarritako baldintzak; b) baldintza-agiriarekin batera dauden xehetasun teknikoak, eta c) Herri Administrazioen Kontratuei buruzko Legearen Testu Bateginean ezarritakoak eta urriaren 12ko 1.098/2001 Errege Dekretuaren bidez onetsi zen Araudi Orokorrean ezarritakoak. Bereziki, kontratuko obrak Administrazioaren zuzendaritza, ikuskapen eta kontrolaren pean burutuko dira, eta Administrazioak idatziz nahiz ahoz erabili ahal izango ditu ahalmen horiek.

Esleipendunari edo haren agindupekoei egotz dakiekeen egite edo ez-egiteren baten ondorioz, Administrazioak uste izaten badu kontratua burutzeko obrek behar bezala aurrera egitea kolokan dagoela, kontratua behar bezala burutu dadin beharrezkotzat jotzen dituen neurriak har daitezela agindu ahal izango du.

Esleipendunak Eraikuntzako Arrisku Orotarako aseguruia kontratatu behako du, esleipenaren zenbateko guztiagatik. Kontratu aldatuko balitz eta aldaketak kontratuaren prezioa aldatuko balu, bermatutako kapitala neurri berdinean aldatu beharko du esleipendunak.

9. ESLEIPENDUNAREN LAN-EGINKIZUNAK

Kontratu honen xede diren obretan kontratatutako langileei dagokienez, esleipendunak lanaren, Gizarte Segurantzaren eta laneko segurtasun eta higienez arloan indarrean dauden legezko xedapenak bete behar ditu. Administrazioak ez du inolako erantzukizunik izango xedapen horiek betetzen ez badira.

10. AZPIKONTRATAZIOA

Azpikontratazioari dagokionez, SPKLaren 210 eta 211 artikuluetan ezarritakoa aplikatuko da.

Esleipendunak obraren zatiren bat azpikontratatu nahi badu Administrazioari jakinarazi beharko dio aurretik eta idatziz. Kasu horretan azpikontratatu nahi den zatia zehaztu beharko du eta azpikontratuaren nortasuna eta obra egiteko gaitasuna egiaztatu. Azpikontratutako enpresa zati hori egiteko klasifikazioa izatekotan, kontratistan ez du bere gaitasuna egiaztatu beharko.

Esleipendunak ezingo du esleipen prezioaren %50 baino gehiago suposatzen duen obra zatia azpikontratatu.

11. ESLEIPENDUNAREN ERANTZUKIZUNA KONTRATUA BURUTZERAKOAN BESTE BATZUEI KALTEAK ERAGITEN BADIZKIE

Obrak burutzen diren bitartean, esleipendunaren ardura da edozein pertsona, jabetza edo zerbitzu publiko edo pribaturi egindako kalteak eta galerak bere gain hartzea, baldin eta bere agindupean

dauden langileen egitez, ez-egitez nahiz zabarkeriaz, edo obrak behar bezala ez antolatu, babestu edo seinaleztatzeagatik gertatzen badira.

Esleipendunak Erantzukizun Zibileko aseguria kontratatu beharko du 600.000 €ko gutxieneko kapitalarekin, non Oiarzungo Udala barne hartuko da obraren sustatzaile bezala.

12. KONTRATUA ALDATZEA

Herri-onurako arrazoiak direla eta, Administrazioak kontratua aldatzea izango du, ustekabeko arrazoiak sortzen direnean. Esleipendunak ez du inolako kalte-ordainik jasotzeko eskubiderik izango, Sektore Publikoko Kontratuen Legearen 220.e) artikuluan ezarritakoaren kalterik gabe.

Kontratua aldatzerakoan obra-unitate berriak sartu behar badira kontratuan, unitate horien prezioak kontratazio-organoak zehaztuko ditu. Esleipendunak ez baditu prezio horiek onartzen, unitate berri horiek beste enpresa batekin prezio beretan kontratatzeko edo zuzenean burutzeko eskubidea dauka kontratazio-organoak.

13. OBRA ZUZENDARIA ETA ORDEZKARIA

Kontratazio organoak izendatzen duen obra zuzendaria, egikaritze zuzena eman dadin, beharrezkoak diren zuzendaritza, ikuskatze, egiaztapen eta zaintze lanak egingo ditu. Obra zuzendariak kontratazio organoak izendatzen duen laguntza izango du.

Kontratastaren obra ordezkaria antzeko obretan eskarmentua duen tituludun teknikaria izan behar du.

14. OBRAK HARTZEA ETA BERME-EPEA

Obrak amaitu eta, gehienez, hilabete pasa baino lehen, obrak esleipendunaren esku utziko dira eta egintza horren akta egingo da, SPKLaren 218. artikuluan ezarritakoari jarraituz.

Harrera egin eta hurrengo hiru hilabetetan kontratazio organoak azkeneko obra ziurtagiria onartuko du eta esleipendunari ordainduko dio kontratuaren likidazioaren kontura.

Gainera, bi urteko berme-epea egongo da, harrera formalaren egunetik hasita zenbatu beharrekoa, Sektore Publikoko Kontratuen Legean eta Herri Administrazioen Kontratuei buruzko Legearen Araudi Orokorrean adierazitako ondorioetarako.

Nolanahi ere, esleipendunak kontratua bete ez eta eraikuntzak ezkutuko akatsak izateagatik obra berme-epetik kanpo hondatzen bada, esleipendunak kalte eta galerei aurre egiteko erantzukizuna izango du hamabost urtean, obrak esleipendunaren esku utzi zirenetik kontatzen hasita. Epe hori amaitutakoan, bestelako kalte edo galerarik ez bada izan, esleipendunaren erantzukizuna amaitutzat joko da.

15. ESLEIPENDUNARI EZARRI BEHARREKO ZIGORRAK BALDINTZAK BETETZEN EZ BADITU

A) KONTRATUA BURUTZEKO EPEAK DIRELA ETA

Esleipendunak, bere erruagatik, kontratua burutzeko epe osoa edo epe partzialak igarotakoan burutu gabe baditu epe horietan egin beharreko obrak, Administrazioak bi aukera izango ditu: kontratua bertan behera utzi eta bermea bereganatzea, edo obrak burutu arte igarotzen den egun bakoitzeko diru-zigorra ezartzea: egunean 0,20 euro kontratuaren prezioaren 1.000 euroko.

Atzerapenagatiko zigorren guztizko zenbatekoak kontratuaren prezioaren 100eko 5aren multiploren bat jotzen duen bakoitzean, kontratazio-organoak aukera izango du kontratua bertan behera uzteko edo zigor gehiago ezarri eta burutzapenean aurrera egin dadila erabakitzeke.

B) PRESTAZIOEN BURUTZAPEN PARTZIALA DELA ETA

Esleipendunak, bere erruagatik, kontratuko prestazioen burutzapen partziala epean bukatzen ez badu, Administrazioak bi aukera izango ditu: kontratua bertan behera uztea edo kontratuaren prezio osoaren 100eko 10eko diru-zigorra ezartzea.

Prestazioa burutzean akatsak izan badira, Administrazioak kontratuaren aurrekontuko zenbatekoaren % 10eko diru-zigorra ezartzeko aukera izango du.

Eskaintzen den baliabide material edo langileekin kaudimena osatzeko betekizuna betetzen ez bada, Administrazioak kontratuaren aurrekontuko zenbatekoaren % 10eko diru-zigorra ezartzeko aukera izango du.

16. KONTRATUA AMAITZEKO ARRAZIOIAK

Kontratua amaitzeko arrazoiak Sektore Publikoko Kontratuen Legearen 206 eta 220. artikuluetan azaltzen direnak izango dira.

17. ADMINISTRAZIOAREN ESKUBIDEAK

Administrazioari dagokio a) kontratua interpretatzea, b) kontratuan sor daitezkeen zalantzak ebaztea, c) herri-onurako arrazoiengatik kontratua aldatzea, d) kontratuari amaiera ematea eta amaiera horren ondorioak zehaztea, Sektore Publikoko Kontratuen Legean eta Herri Administrazioen Kontratuei buruzko Legearen Araudi Orokorrean ezarritako muga, baldintza eta ondorioei eutsiz

18. EUSKARAREN ERABILERAREN NORMALIZAZIOA

Obrak hasi aurretik eta obrek dirauten bitartean jartzen diren seinaleak, obra-oharrak eta bestelako zeinahi iragarki edo idazkun , bai behin-behineko edo behin betiko, euskaraz jarriko dira do EAEko bi hizkuntza ofizialetan, eta bi hizkuntzetan jartzen badira euskarazko testua erdarazkoa baino handiagoa izango da.

II.- KONTRATATZEKO JARDUNBIDEA

19. ESLEIPENA EGITEKO BIDEA ETA MODUA

Kontratu honen esleipena jardunbide ireki bidez egingo da eta SPKLaren 141. artikulutik 145. artikulura ezarritakoari jarraituz.

Kontratuaren esleipena egiterakoan, honako irizpide hauek hartuko dira oinarritzat eskaintzak balioesteko (garrantzi eta haztapenaren arabera ordenatuta):

1. Proposamen ekonomikoa .- Irizpide honegatik 50 PUNTU emango dira gehienez ere. Puntu 1 emango zaio proposamenari lizitazio-aurrekontutik jaisten duen 33.903,60 € bakoitzeko.
2. Obraren azterketa maila .- Irizpide honengatik 25 PUNTU emango dira gehienez ere. Horretarako, orubeari, irisgarritasunari, inguruaren bideragarritasunarekiko eraginei, hartune eta azpiegiturei, etxolen kokapenari, hurrengo urbanizazioekiko koordinazioari eta bestelako alderdiei buruzko estudioa aztertuko da, obraren estudioarentzat onuragarriak badira.
3. Hobekuntzak .- Irizpide honengatik 20 PUNTU emango dira gehienez ere. Puntuak emateko aintzat hartuko dira hiru egitasmoetan jasotako obraren arteko koordinazio egokiago bermatzen duten hobekuntzak eta auzo-bizikidetasunari eraso txikiagoa egiten dietenak. Ez dira aintzat hartuko obraren egikaritze kostuaren jaitziera suposatzen duten kopuru ekonomikoko hobekuntzak.
4. Egikaritze-epea .- Irizpide honengatik 5 PUNTU emango dira gehienez ere. Puntu 1 emango zaio proposamenari gehienezko egikaritze-epetik jaisten dituen 36 egun bakoitzeko.

20. KONTRATATZEKO GAITASUNA ETA KAUDIMENA

Zuzenbideko eta jarduteko gaitasuna duten pertsona fisiko zein juridikoen parte hartu ahal izango dute kontratazio-jardunbide horretan, baldin eta beren kaudimena eta fidagarritasun tekniko edo profesionala frogatzen badituzte, eta kontratatzeke debekuren bat ez badute, Sektore Publikoko Kontratuen Legearen 49. artikuluan adierazitako arrazoiak direla eta. Kaudimena egiaztatzeke eta ebaluatzeke bideak hurrengo baldintzaren e) eta f) puntuetan ezarritakoak izango dira.

Pertsona fisiko edo juridikoen beren kabuz edo baimendutako ordezkarien bitartez kontratatu ahal izango dute. Ordezkariak kontratatuz gero, berariaz emandako ahalorde askietsia erabili beharko dute. Pertsona juridiko baten ordezkari baten kideren bat azaltzen denean, ordezkari izateko ahalmena duela frogatu beharko du agiri bidez. Bi kasuetan ere, kontratatzeke gaitasunik eza dakarten arrazoiak, gorago aipatutakoak, ordezkariari ere aplikatu behar zaizkie.

Enpresariak, gainera, kontratu hau burutzeko eska daitekeen gaitasun enpresarial edo profesionala izan beharko dute.

21. PROPOSAMENAK AURKEZTEA

Kontratazio honen espedientea, bai eta horrekin batera doan dokumentazio teknikoa ere, honako lekuan, ordutegian eta epean aztertu ahal izango da:

LEKUA: Oiartzungo Udalean, Done Eztebe plaza 1, 20180 OIARTZUN.

ORDUAK: 08:00-14:00.

EPEA: Egun baliodunetan, lehiaketa honen iragarkia Estatuko Aldizkari Ofizialean edo Europako Erkidegoetako Agintaritzaren Egunkarian argitaratu eta biharamunetik hasita, proposamenak aurkezteke epea bukatu arte.

Proposamenak aurretik adierazitako lekuan eta ordutegian aurkeztuko dira, honako hizkuntzan eta epean:

HIZKUNTZA: Erderaz edo euskaraz.

EPEA: Hurrengoan artean, beranduen amaitzen den epean:

1. Egutegiko 52 egun naturaleko epean, lehiaketa honen iragarkia Europar Batasuneko Aldizkari Ofizialera bidaltzen denetik kontaktzen hasita.

2. Egutegiko 26 egun naturaleko epean, lehiaketa honen iragarkia Estatuko Aldizkari Ofizialean argitaratu eta hurrengo egunetik kontaktzen hasita.

Gainera, eskaintza hau kontratazio-organoko kontratatzailearen profilean argitaratu beharko da, eta honako webgunean ere eskuratu ahal izango da: www.oiartzun.org.

Baldintza-agiriak eta horien dokumentazio osagarria eskatzen duten eskaintzaileei bidaliko zaizkie, eskaera hori jaso eta sei eguneko epean, beti ere eskaintzak aurkezteke epea iraungi baino gutxienez zortzi egun lehenago egindako eskariak badira.

Baldintza-agiriak eta dokumentazio osagarria ondoko webgunean eskuratu ahal izango da: www.oiartzun.org.

Eskaintzaileek eskatutako baldintza-agiriei eta dokumentazio osagarriari buruzko informazio gehigarria proposamenak hartzeko data iraungi aurreko sei egunetan, gutxienez, beti ere eskaintzak aurkezteko epea iraungi baino gutxienez zortzi egun lehenago egindako eskariak badira.

SPKLaren 142.3. artikuluan xedatutakoaren arabera, baldintza-agiriei eta dokumentazio osagarriari buruzko informazio gehigarria aipatutako epeen barruan entregatzerik izan ez bada, edo eskaintzak egiteko alde aurretik lanen tokian bertan bisita egin behar bada edo baldintza-agiriari erantsitako dokumentazioa "in situ" kontsultatu behar bada, eskaintzak jasotzeko epea luzatu egingo da, hautagai guztiek beharrezkoa duten informazioa jaso dezaten ahalbidetzeko adina.

Ez dira onartuko epe horretatik kanpo aurkezten diren proposamenak, nahiz eta postetxean epe amaitu baino lehen bidali. Dena dela, proposamena onartu egingo da baldin eta epe barruan bidali zela egiaztatzen bada. Horretarako, lehiatzaileak, proposamena bidaltzen duen egunean bertan, posta-egiaztagiria bidali beharko dio kontratazio-organoari telekopiaz, faxez, telegramaz edo posta elektronikoz. Posta elektronikoz bidatzen badu, baliozkoa izan dadin, Herri Administrazioen Kontratuei buruzko Araudi Orokorren 80.4 artikuluan ezarritakoa bete beharko du.

Lehiatzaileek hiru kartazal (A, B eta C) aurkeztu beharko dituzte itxita. Kartazal bakoitzean honako hau idatziko da: "ARRAGUAKO ARR-1A ETA AAR-1B EREMUETAKO URBANIZAZIOAREN, ARR-1AKO LURRAZPIKO APARKALEKUAREN ETA ZUBIONDO ETXEKO IGOGAILUAREN OBREN KONTRATAZIOAN LEHIAKETA IREKI BIDEZ PARTE HARTZEKO PROPOSAMENA":

- 1) "A" KARTAZALA. KONTRATZEKO GAITASUNA ETA KAUDIMENA.
- 2) "B" KARTAZALA. "PROPOSAMEN EKONOMIKOA ETA FORMULA BIDEZ BALORATU BEHARREKO IRIZPIDEAK.
- 3) "C" KARTAZALA. BALORAZIO IRITZI BATEN GAI IZANGO DIREN IRIZPIDEAK.

Kartazal bakoitzean enpresaren izena eta proposamen-izenpetzailearen izen-abizenak jarriko dira, noren izenean izenpetzen duen zehaztuz. Hiru kartazalek ere izenpetuta egon beharko dute.

1.- "A" KARTAZALA: Kartazala honen azpititulua hau izango da: "KONTRATTAZEKO GAITASUNA ETA KAUDIMENA". Hona hemen "A" kartazalean aurkeztu beharreko agiriak:

a) Lehiatzailearen edo haren ordezkariaren nortasun-agiriaren fotokopia, eta horrez gain, beste pertsona edo erakunde baten izenean badihardu, notario-ahalordea.

b) Lehiatzailea pertsona juridikoa izanez gero, eratze- edo aldaketa-eskritura aurkeztuko du, behar bezala inskribaturik Merkataritza Erregistroan eta identifikazio fiskaleko zenbakian, inskripzioa derrigorrezkoa baldin badu, aplikatu behar zaion merkataritzako legeriaren arabera. Hala ez bada, eraketaren, estatutuen edo fundazio-egintzaren eskritura edo agiria aurkeztuko du jarduteko gaitasuna duela frogatzeko. Agiri hori erregistro ofizial egokian inskribaturik egongo da, hala behar denean, eta bertan agertuko dira lehiatzailearen jarduera zuzentzen duten arauak. Enpresariak espainiarrak ez badira baina bai Europako Erkidegokoak, lanbide- edo merkataritza-erregistroko inskripzioaren egiaztagiria aurkeztu beharko dute, beren estatuko legeriak inskribatu beharra ezartzen baldin badie. Atzerriko enpresariak beren gaitasuna enpresa espainiarrak onartzen dituen txostena, baldin eta Misió Diplomatiko edo Bulego Kontsularraren agiriaren bidez frogatu beharko dute, eta bere jatorrizko Estatuak Administrazioaren kontratazioan enpresa espainiarrak onartzen dituen txostena, baldin eta Komertzio Munduko Erakundearen Kontratazio Publikorako Akordioan parte ez bada.

c) Lehiatzaileak erantzukizunpeko berariazko aitortpena aurkeztu behar du, Sektore Publikoko Kontratuen Legearen 49. artikuluan kontratatzeke ezarritako debekuetatik bat bera ere ez duela agertzeko. Aitorpen horretan berariaz adieraziko du kitaturik dituela zerga-betebeharrak eta Gizarte Segurantzarekikoak, indarrean dauden xedapenek ezarritakoak; edo, hala egiten ez badu, egiaztatgiak aurkeztuko ditu, betebeharrak horiek beterik dituela frogatzeko.

d) Ekonomi Jardueren gaineko Zergan, kontratuaren gaiari dagokion epigrafean hain zuzen ere, alta eman diotela frogatzeko, lehiatzaileak alta-agiria aurkeztuko du, uneko ekitaldian bertan hartua badu, edo EJZren azken ordainagiria, gainerako kasuetan. Beti ere, zerga horren matrikulan baxerik hartu ez izanaren erantzukizunpeko adierazpena erantsiko du.

e) Lehiatzaileak hurrengo Talde, Azpitalde eta Kategoriatan sailkatuta daudela egiaztatu behar dute:

A TALDEA	01 AZPITALDEA	F KATEGORIA
C TALDEA	02 AZPITALDEA	F KATEGORIA
E TALDEA	01 AZPITALDEA	E KATEGORIA
G TALDEA	03 AZPITALDEA	F KATEGORIA
G TALDEA	04 AZPITALDEA	F KATEGORIA
I TALDEA	01 AZPITALDEA	E KATEGORIA
K TALDEA	01 AZPITALDEA	E KATEGORIA

Enpresa klasifikazioaren zain balego, klasifikazio hori eskatu duen ziurtagiria aurkeztu beharko du, baina, beti ere, klasifikazioa lortu duela egiaztatu beharko du akatsak zuzendu edo hutsuneak betetzeko emandako epean.

Europako Erkidegokoak diren eta espainiarrak ez diren enpresek, nahikoa izango dute beren kaudimen ekonomiko, finantzario, tekniko eta profesionala egiaztatzeke SPKLaren 64. eta 65. artikuluetan ezarritakoaren arabera ziurtaztea, eta 73. artikuluan aipatzen den inskribapena aurkeztea, hau da, Europar Batasuneko estatuen kontratatzeke baimendutako enpresarienez zerranda ofizialetan inskribatua dagoen agiria aurkeztea.

f) Kontratu honen ezaugarriak aintzat hartuta, klasifikazioa gain kaudimen tekniko eta profesional hurrengo bitartez egiaztatu beharko da:

1) Azken bost urteetan egindako obren adierazpena, obra garrantzitsuenen kasuan egikaritze ona egiaztatzen duten ziurtagiriek bat; ziurtagiri horiek zenbatekoa, datak eta egikaritze lekua adieraziko dute eta profesioa arautzen duten xedapenekin bat egin zirela eta amaiera egokia izan zutela adieraziko dute.

2) Obrak egikaritzeko zenbat tekniko eta unitate tekniko izango dituzten deklarazioa, enpresan integratuak dauden edo egon ez arren, eta batez ere kalitate kontrolaren arduradunak izango diren teknikoena, datu horiek egiaztatzen dituzten agiriek bat.

3) Obraren erabiliko den makinaria, materiala eta talde teknikoaren adierazpena, dagozkien egiaztatgiarekin bat.

4) Obrarako azpikontratatuak dituen enpresen zerranda.

g) Hainbat enpresak lehiaketara jotzen badute aldi baterako enpresa-batasuna eratuz, taldekide bakoitzak bere gaitasuna eta kaudimena frogatu beharko ditu aurreko puntuetan ezarritakoaren arabera. Esleipena lortuz gero AEB formala eratzeko konpromisoa agertu beharko dute enpresa guztiek. Bestaldetik, aldi baterako enpresa-batasuneko kide bakoitzak kontratuaren zein zati egingo lukeen adierazi beharko dute proposamenean, kide bakoitzaren kaudimen-baldintzak zehaztu eta egiaztatu ahal izateko.

AEBa eratuko duten enpresa bakoitzak egiaztatu beharko du bere gaitasuna eta kaudimena, eta bakoitzarekiko egiaztatutako ezaugarriak batu egingo dira AEBaren kaudimena zein den zehazteko.

h) Atzerriko enpresak badira, Espainiako epaitegi edo auzitegien menpe jarriko direla adierazi beharko dute, kontratuarekin zuzen edo zeharka zerikusia duten gorabehera guztietarako, eta, hala egokituz gero, lehiatzaileari legokiokeen atzerriko jurisdikzioari uko egingo lioketela.

i) Behin-behineko bermea edo ezarri izanaren agiria.

Goiko a), b) eta e) puntuetan adierazitako baldintzak ziurtatzeko Euskal Autonomia Erkidegoko Eskaintzaileen eta Saillkatutako Enpresen Erregistro Ofizialeko ziurtagiriarekin, Estatuko Eskaintzaileen eta Saillkatutako Enpresen Erregistro Ofizialeko ziurtagiriarekin, edo Europar Batasuneko saillkapen-ziurtagiri batekin, SPKLaren 73. artikulua xedatutakoaren arabera. Kasu honetan, ziurtapenarekin batera, adierazitako egoerak aldatu ez direla ziurtatzen duen eskaintzailearen ardura-adierazpena ere gehitu beharko da.

Behin betiko esleipena egin eta urte bateko epean lizitatzailerek ez badute aurkeztutako dokumentazioa itzultzea eskatzen, suntsitu egingo du Administrazioak.

2.- **“B” KARTAZALA:** Kartazal honek hurrengo azpтитulua izango du: “PROPOSAMEN EKONOMIKOA ETA FORMULA BIDEZ BALORATU BEHARREKO IRIZPIDEAK” eta hurrengoa jaso beharko da bertan:

a) Honako eredu honen arabera

DIRU-PROPOSAMENA

Lehiatzailearen datuak:

Izen-abizenak
Helbidea
Posta kodea, NAN,, Telefonoa

Ordezkararen datuak (ordezkaririk egonez gero):

Izen-abizenak
Helbidea
Posta kodea, NAN edo IFK,, Telefonoa

..... kontratatzeko asmozk dei egindako lehiaketaren berri izan dudala, hona hemen nire

ADIERAZPENEA

1) Hitz ematen dut kontratua honako prezio honetan burutuko dudala: €, Balio Erantsiaren gaineko Zerga (BEZ) barne. Prezio horren %....., hau da, €, BEZari dagokio. Prezioaren barruan gai guztiak sartzen dira: zergak, gastuak eta zergen arloko edozein tasa edo ariel, bai eta esleipendunaren industri onura ere. Kontratua burutzeko epea honakoa izango da:

2) Proiektua ezagutzen dut bere edukiarekin, bai eta kontratu hau arautu behar duten administrazio-baldintza zehatzen agiria eta gainontzeko agiriak ere. Horiek horrela, neure gain hartu eta ontzat hartzen ditut oso-osorik.

3) Ordezkatzen dudana enpresak, ireki, instalatu eta jarduteko indarrean dagoen araudiak eskatzen dituen baldintza guztiak betetzen ditu.

....., 20....(e)koaren(a)

Izenpea

b) Agiri honen 19. baldintzan zehaztutako esleipen-irizpideetatik formula baten bidez baloratu behar direnak egiaztatzen dituztenak, alegia: Prezioa eta Epea.

3.- “C” KARTAZALA: Kartazala honen azpititulua hurrengo izango da: “BALORAZIO IRITZI BATEN GAI IZANGO DIREN IRIZPIDEAK” 19. baldintzan zehaztutako esleipen-irizpideetatik balorazio iritzi baten gai izan behar duten irizpideak egiaztatzen dituzten agiriak.; hain zuzen ere, Obraren Azterketa Maila eta Hobekuntzak.

22. AGIRIAK SAILKATZEA, ENPRESAK AUKERATZEA ETA PROPOSAMENAK IREKITZEA

Proposamenak aurkezteko epea amaitu eta gero, Mahaiak epe eta modu egokian “A” kartazala sailkatu egingo du. Horretarako, Herri Administrazioen Kontratuei buruzko Legearen Araudi Orokorreko 81. artikuluan eta hurrengoetan adierazten den eran jardungo du.

Illo horretan, lehiatzaileei beren gaitasun eta kaudimenari buruzko argibide eta agiri gehiago eskatu ahal izango dizkie, eta lehiatzaileek egutegiko bost eguneko epean eman beharko dizkiote, Araudiaren 22. artikuluan xedatuta dagoenez. Mahaiak interesdunei ahoz eskatu behar dizkie argibide eta agiri osagarri horiek, eta gainera eskaera idatzia jarri behar du kontratazio-organoaren iragarki ohelean. Era berean, lehiatzaileek aurkeztutako agirietan zuzentzeko moduko akatsak agertzen badira, Mahaiak ahoz eta iragarki bidez emango die horren berri lehiatzaileei, eta hiru egun balioduneko epea jarriko die akatsak zuzen ditzaten.

Behin agiriak sailkatuak, eta akats eta hutsuneak zuzendu eta gero, halakorik badago, baldintza-agiri honen 21. baldintzan azaltzen diren irizpideak zein enpresak betetzen dituzten zehaztuko du Mahaiak, eta berriaz adieraziko du zein enpresa onartu dituen lehiaketarako, zein baztertu dituen eta zergatik baztertu dituen.

Aurkeztutako proposamenak ("B" eta "C" kartazalak) irekitzeko Kontratazio Mahaiak, Herri Administrazioen Kontratuei buruzko Legearen Araudi Orokorreko 83. artikuluan eta hurrengoetan eta 30/2007 Legea partzialki garatzen duen 817/2009 Errege Dekretuaren 27. artikuluan eta hurrengoetan adierazten den eran jardungo du.

Automatikoki kuantifikatu daitezkeen irizpideen balioestea balorazio irizpide baten gai izan behar dutenena eta gero egingo da, eta hori dela eta, Mahaiak automatikoki kuantifikatu ezin daitezkeen irizpideei buruzko "C" Kartazala (BALORAZIO IRITZI BATEN GAI IZANGO DIREN IRIZPIDEAK) jendaurrean irekiko du, "A" kartazala ireki eta hurrengo zazpi egunetan. Horretarako lekua, eguna eta ordua kontratatzailearen profilean agertuko dira. Ondoren, aurkeztutako dokumentazioa zerbitzu teknikoei emango zaie dagokion balorazioa egin dezaten

Aurrekoa egin eta gero, proposamenen "B" kartazala (PROPOSAMEN EKONOMIKOA ETA FORMULA BIDEZ BALORATU BEHARREKO IRIZPIDEAK) irekiko du Mahaiak, kontratatzailearen profilean argitaratuko den leku, egun eta orduan. Egintza horretan emango da jakitera balorazio iritzi baten gai izan diren irizpideen balioestea.

Hurrengo egunetan, teknikariek proposamenak balioetsi, ebaluatu eta sailkatzeari ekingo diote, eta Kontratazio Mahaiari txostena emango diote esleipen-proposamena aurkeztuko diezaion esleipena egin behar duen kontratazio-organoari.

23. ESLEIPENA ETA FORMALIZAZIOA

Ekonomikoki proposamenik onuragarriena egiten duen eskaintzaileari egingo dio Kontratazio Organoak behin-behineko esleipena.

Behin-behineko esleipena bi hilabeteko epean egingo da, proposamenak ireki eta biharamunetik kontaktzen hasita. SPKLaren 145.3. artikuluan aurreikusten denez, epe hori egutegiko 15 egunetan luzatuko da 136.3. artikuluko zehaztutako tramiteak jarraitu behar direnean, balio anormalak edo neurritz gaineoak dituzten eskaintzen kasuan.

Eskaintza anormaltzat edo neurritz gainekotzat jotzen denean eskaintzaileari (edo eskaintzaileei, hala dagokienean) entzungo zaio, eta dagokion zerbitzuaren aholkularitza tekniko egin beharko du.

Kasu honetan, eskaintzaileak emandako arrazoiak eta txostenak aintzat hartuta, Kontratazio Organoak ekonomikoki proposamenik onuragarriena egiten duen eskaintzaileari egingo dio behin-behineko esleipena, beti ere Administrazioaren lanak egiteko gaitasuna duela; bestela, anormaltzat edo neurritz gainekotzat jotzen ez den proposamenari egingo zaio behin-behineko esleipena.

Behin-behineko esleipena kontratatzailearen profilean argitaratu eta hamabost egun balioduneko epean honakoak egin beharko ditu behin-behineko esleipendunak:

- a) Egiaztagiria aurkeztu beharko ditu zerga-betebeharrak eta Gizarte Segurantzarekikoak beterik dituela frogatzeko, baldin eta ez baditu agiri horiek proposamenarekin batera aurkeztu, baita kontratatze gaitasuna egiaztatze bestelako dokumentuak edo kontratua burutzeko beharrezkoak dituen bitartekoak eskuratzeko konpromisoa betetzen duela ziurtatzeko dokumentua ere, hala badagokio.

- b) Behin betiko bermea.
- c) Aldi Baterako Enpresaren eskriturak, hala behar denean.
- d) Eskatutako aseguruak kontratu izanaren agiriak.

Behin-behineko esleipena behin betiko egin beharko da hamar egun balioduneko epean, goian aipatutako epea amaitzen den egunetik kontatzen hasita, baldin eta esleipendunak a) eta b) puntuetan adierazitakoak betetzen baditu. Aitzitik, beteko ez balitu, behin-behineko esleipendunari ez zaio behin betiko esleipena egingo.

SPKLaren 139.2. artikulua araberan, kontratua burutzeari edo jardunbide honi uko egiten bazaio, esleipenak eragindako gastuak ezarriko ditu Administrazioak, entzunaldia egiunez eta behar bezala ziurtatuz.

Kontratazio-organoak egingo duen esleipenaren bitartez, kontratuak indar juridikoa hartuko du. Esleipendunari jakinaraziko zaio, eta honek, jakinarazpena jaso eta egutegiko hamar eguneko epean ondorengoak bete beharko ditu:

- a) Jendaurreko zabalkunde ofizialean gastuak egin badira, aldizkari ofizial eta argitaraldi bakar bateko gastuak ordaindu.
- b) Administrazio honen bulegoetara etorri, kontratua administrazio-agiri gisa formalizatzeko.

Esleipendunaren erruagatik kontratua formalizatu gabe geratzen bada, Administrazioak bertan behera utzi ahal izango du kontratua, interesduna entzun eta gero, eta kalte-galerak ordainduko dira.

Era berean, behin-betiko esleipena jasotzen duenetik hamabost egun naturaleko epean hurrengoak aurkeztu beharko ditu esleipendunak:

- Lanen Programa.
- Segurtasun eta Osasun Plana.

Zuinketa aipatutako jakinarazpena jaso eta gehienez ere hilabete bateko epean egiaztatu beharko da.

III.- IZAERA, ERREGIMEN JURIDIKOA ETA JURISDIKZIO ESKUDUNA

24. IZAERA ETA ERREGIMEN JURIDIKOA

Baldintza-agiri honen arabera egin behar den kontratua administrazio-mailakoa izango da, eta kontratuan bertan zehazten ez den guztiari dagokionez, Sektore Publikoko Kontratuen Legeak, urriaren 30eko 30/2007 Legearen bidez onetsiak, ezarritako arauak bete beharko dira. Horiez gainera, Herri Administrazioen Kontratuei buruzko Legearen Araudi Orokorrak, urriaren 12ko 1.098/2001 Errege Dekretuaren bidez onetsiak, ezarritako arauak ere bete beharko dira, eta bai herri administrazioen kontratazioan erabili beharreko gainerakoak ere.

Administrazio-baldintza zehatzen agiri honen eta espedientearekin batera doan dokumentazio teknikoaren artean kontraesanak izanez gero, agiri honetan zehaztutakoa nagusituko da.

25. DATU PERTSONALEN BABESA

Kontratazio honen bitartez datu pertsonalak eskuratzen badira, kontratatzaileak SPKLaren Hogeita Hamaikagarren Xedapen Gehigarrian adierazitakoak bete beharko ditu, Datuen Babeserako abenduaren 13ko 15/1999 Lege Organikoan eta hori garatzen duten arauetan xedatutakoak biltzen baitira bertan.

26. JURISDIKZIO ESKUDUNA

Kontratutik sortzen diren auziak Administrazioarekiko auzien jurisdikzioaren menpe egongo dira. Nolanahi ere, bi alderdiek nahi izanez gero, auziak arbitrajearen bidez konpondu daitezke, indarrean dagoen legerian zehaztutakoarekin bat etorriz.

Oiartzunen, 2010eko maiatzaren 26an.